

928

コ


4

後村先生大全集

四







後村先生大全卷第十三

詩

送項使君季約二首

出有凝香樂君侯  
聽未知清齋燈火  
夕閉閣荔支時  
群小畱難住  
民愚去始思  
兩年案頭筆  
一字不容私

二

但見兩眉鬢  
何曾一饌珍  
節如僧更苦  
家比郡尤貧  
琴鶴均為贅  
蓴鱸頗切身  
蕩山有來雁  
莫惜寄聲頻

送王梅州二首

州境與潮鄰  
徐行止浹旬  
瘴鄉均一氣  
鹽子一吾民



日晏風烟斂兵餘戶口貧定將田里事閑閣細條陳

三

禍始自三槍蓄猶被一方帝將安淳海君肯薄淮陽  
老手何憂斲新眉尚費粧漢庭褒郡最 晚入為郎

癸卯上元即席次陽使君韻二首

初陽 久雨淳祐第三春聊與衆行樂稍欣農食新  
俱蒙青帝力莫問紫姑神座上遨頭作流傳遍郡人

二

縱觀姑猶目殷憂欲醉心馬嘶淮祲惡鷓叫蜀怨深  
玉座方停箸椒塗亦脫簪好為諫臣論莫作醉翁吟

辛卯春日

甫報方旌名俄聞彈射攻匹如飲甘露諸不能受人語見佛書又似斬春風雲夢伊吞輩須彌納

箇中故山多芋栗不必問徂松

挽林煥章二首

昔在端早際臨朝想老臣但問轅固名不見伏生行  
霜柏無寒暑朝華有悴榮由來天所靳上壽與高名

二

束帛徵諸老深衣立一儒鄉人偕獵較童子共風雩  
眉下羞來徃兢已迨舉扶自慚衰竭久書墓覺詞無



送趙阜主簿

罷稅無兼局蕭然古廨寒士稱為善類氏說是清官  
刀薄難推較身輕易起單竹林逢大阮試為問平安

挽游勉之侍郎

不假橫金貴居然比玉溫諸公從上雍一老立東門  
伯氏推難弟先師有嫡孫耆英凋落盡舊事向誰問

二

昔在高陽里曾登夫子堂武城愧言偃畏壘化庚桑  
病臂書全闕驚心鑑忽亡平生芻一束道遠不能將

挽唐伯玉常卿二首

身自無安處昇州更廣州逐教子才去死到了翁休  
鳳至虞廷喜麟亡魯野愁憂時兼道友白却九分頭

二

久欲攜尊鯽呻吟去未能甫封函母墓俄弔董生陵  
言立何曾死騷招更不磨那須論宿草身盡淚方冰

送居厚弟堂稟二首

俱被光華遣同歸乘巽濱吾灾田抱慙子答在埋輪  
記憶煩明主招徠到遠巨要須晚節他日白先人

二

怕與親朋別那堪送子行天威知侯駕秋暑勿貪程



若見知名士為言不慧兄孤危并一君相耕釣畢殘生  
居學不果行次韻二首

物色來林下安排起海濱居然不錦穿幸未駕蒲輪  
非我瑕疵汝云誰毀譽目只愁從以此去未易致虞人

二

祖帳方涓吉公車已尼行若非路消息未免迫期程  
水菽姑娛母茅柴且酌兄未應一祿闈便欠一更生

聞居學得祠復次韻二首

諸賢設援下孤士卧漳濱母亦均投抒兒宜勿斷輪  
無須留逐客有些吊景臣一室晚容榻奚門問疾人

二

稍欣公議白又報噴言行上漫招東馬人方毀李程  
迎來新觀主伴取老師兄漢士方雲合何須魯兩生

贈蜀士盧石受二首

蜀郡盧夫子沉冥不偶時幽深病梨賦竒怪磔墓詩  
古有嚴并李今無曠與夔何當短檠下厯叩群疑

二

井絡纏兵慘瞿堂下棹輕命寧一錢直腹載五車行  
始覽無諸跡休聽望帝聲世無韓十八誰識玉川生

送陳廷之官連州



郡接湖南境孤城若箇邊  
茆寮愁問宿峽石善驚舡  
官小無迎吏詩工有續編  
古人高妙處不過覽山川

挽林承奉

性與聃書合平生寶儉慈  
鹿門妻采藥蟾窟子攀枝  
君可先賢傳吾慙幼婦碑  
衰年窘才思呵凍課哀詩

挽姚漕督叙

昔建經離亂煩公出拊循  
魯宮慨故宇蔡卒即吾人  
蕙苾何傷我甘棠尚在民  
悲哉元日名當寧記名臣

挽開國陳寺丞

昨御祥琴後多傳言語通  
虛令占列宿不料奏悲風

華表孫從祖生芻婿弔翁  
九原一無憾全璧見先公

二

伯也不可作叔兮猶典刑  
公車玉堂薦書空鶴山銘  
父上通候印新營太祝廳  
衰年新舊少吟罷涕先零

挽王居之寺丞二首

元老登庸晚同年召用初  
昔哉武公耄甚矣董生迂  
汾曲廬旋返平津閣寢疎  
空令雙鬢白猶待兩輪朱

二

憶昔陪真率華居甫落成  
坐賓來墮幘待女出彈箏  
吳復吳趨曲空餘楚些聲  
九泉見忠簡應問老門生



挽方彛貢士

秋賦曾賓送春卿，偶脫遺離羣。嗟老境同隊記，兒時終制從家禮。高懷見墓碑，亦如陶處士。自作誄兼詩。

題永嘉黃仲炎文卷二首

書坊黃冊誘兒童，朝取封侯夕拜公。賈董奇才無地立，歐蘇精鑒與人同。安知李薦麾門外，不覺劉幾入。穀中早晚君王求，極諫莫教豪傑泣。進窮。

二

龍泉筆絕文章熄，此作居然可貴珍。激處醜嫌董生，緩新來却笑退之。陳假令覆甌無知者，尚可藏山待。

後人外物區，均糞土。祝君受取不費身。

和吳教授投贈二首

三徑荒涼手自開，旋移花木剪蒿萊。休休豈不緣迂情，屑屑何為費往來。明主祇今蒐陸典，故人大半客翹材。纍臣方卧漳濱疾，錯夢鈞天聽樂迴。

二

衰，登瀛更上坡。且容老子釣烟波，鳳麟自合呈祥瑞。鳧雁何曾繫，少多時有耦耕人。共語亦無問字客，相過倒囊欲答驪珠贈。奈此家徒四壁何。

和張簿尉韻



舊案依稀在拍臺寄声抗本莫翻開騎驢遵從兩點  
挾羅爵門庭幾客來務觀可堪供史卓補之不會作  
宮梅男兒盍建橫行策免使君王歎之材

用王去非侍郎韻二首送林元珪提幹秩滿  
造朝併呈侍郎

成滿歸來薇亦剛策名不竟十年強素無沂國三場  
志曾有西山一瓣香晁董未能免科舉孔顏才可語  
行藏要為天下奇男子寧論區區國與鄉

二

叔季滔：未見剛每聞健論意差強向來曾効燈籠

錦老去聊凝畫戟香世運橫流安所止聖朝未舍豈  
容藏幾回欲上鈴齋謁哀病無因可去鄉

送李用之察院赴湖州二首

烏府名臣暫擁麾霜稜聊復變春熙行人猶謂驄當  
避聖世初無鯁可移粵俗相攜看上日韓祠配食付  
他時極知不作周南滯禁闈須君補闕遺

二

昔在番禺鬻筭筭時誓言不敢計從違固知國有三空  
患又欲民無再擁譏翁累為生尤瘠薄牙籌所積恐  
纖微公卿文學方矛盾應侍囊封決是非



賀王實之得第二子

臞翁活計未全迂老驥新生汗血駒攀桂肯輸郎罷  
否分梨還讓阿兄無應陳俎豆為嬉戲想見詩書被  
抹塗報與厨人多釀酒王家例合有三珠

塗抹詩言如老鴉  
玉川子添丁詩

送方蒙仲赴省

童年紫距已專場何況而今益老蒼天網恢然罩鸞  
鵠朝陽鳴矣草蜩塘士誰與賀爭同進衆亦惟宏詣  
太常可惜祠官無氣力不能措笏誦阿房

書事二首

潘柄考亭門人陳均福公族  
子皆年七十餘而客死

謙之縛髮迎歸福平福灰釘送返蒲空累兩家營後

事僅留四壁遺諸孤學徒誰是單傳者史藁曾經已  
覽無貧富皆當終曠下招魂何處有神巫

二

二士平生極好脩簞瓢之外尚何求暮年更榜誰門  
戶故國寧無棊水上華簣殊非愛曾子短衾自可覆  
黔婁小車處士差安穩十二行窩取次游

送葉士巖二首

曾約還轅訪爵羅幾迴下榻佇經過待先生敬雖如  
此老與人期奈後何走馬看花消許急殺難為黍誤  
儂多吳中故舊還相問一臂偏祐兩鬢皤



二

向來叅請徧諸才恍惚如癡亦似狂雪與膝平猶未  
退斤從鼻過了無傷拈花弟子知誰悟撼樹羣兒不  
自量極欲為君露消息天寒日短話頭長

甲辰春日二首

買牛搜粟向蠻烟衰病安知壁偶全使者名歸曾四  
輩臣之得罪又三年柳劉漏語誰云余絳灌憐才定  
不然縱使有泉堪洗耳先生此愧若為湔

二

學問過時已捍堅文章垂老未精專薰琴何患無廣

載秋扇明知有棄拍舊讀溫尋渾不記新吟鍛鍊久  
方圓此生幸不當詞翰免被人嘲上水船

題小室二首

已向深林卓小庵是中僅可著禪龕士師何止三無  
愠中散居然七不堪一去重華那復得方當盛漢勿  
多設近來弟子俱行脚誰畔山僧面壁參

二

阡陌東西山北南半生常帶散人銜何曾雲夢芥八  
九一任徂公茅四三閣上大夫投欲死甕間吏部寢  
方酣可憐子駿無家法下見先人面有慚



送衣弟方時父

棄置空村飽世情高軒乃肯顧柴荆韓生殷浩貧親  
戚李益盧綸外弟兄兩鬢蕭疎驚老大一燈明滅話  
平生刺桐花下逢予季多致詩人未害清

葉桂發助教從李用之祕監于潮陽李侍郎

使廣部葉辭歸福唐小詩話別

賀監空多惜別情木綿花得似三荆打色便是參禪

客垂索何須使鬼兄小郭令寧無趙子四門古亦有

歐生歐陽詹為四門助教南轅不涉貪泉境歸去詩腸徹底清

寄題建陽馬氏晚香堂

自鉏空壙汲潺湲石斷清溪第幾灣榜九日開侵歲  
晏居千花殿覺天慳殮英飲露平生事遺臭流芳  
一念閒蕭不負君君負蕭年：秋不在家山

贈施道州三首

施先生學有源流家自長安徙益州疇昔建牙當一  
面祇今失國託諸侯身倚嶽麓無生計日斷岷峨起  
暮愁聞道漢廷須黼黻蜀珍那得此淹留

二

胡塵突過劍門關西顧子今尚未寬早晚相如通棘  
道倉皇子美問長安拮据自竺營巢拙衲鑿明知合



輟難縱有望鄉樓百尺淡煙衰草莫憑欄

送楊彥極提刑二首

聞蜀相望萬里遙秋圖斗壘屈魁杓南州處士蒙  
殊禮魏府牙兵不更驕邦伯如今安得結國人它日會  
思僑辦香垂去猶精禱果有甘霖溉旱苗

二

繡斧翩；向福唐百城斂社避風霜夢迴桑下初何  
戀手植棠陰故未忘判筆有神皆可錄抄書無數即  
行裝從今病叟牢扃戶莫望嚴公訪草堂

題陳霆詩卷

讀他人作多遺眼君似連城壁少瑕楮葉國工如許  
刻菖蒲靈物偶然花今無摩詰攜同宿後有荆公選  
百家不惜矮窓殘燭下與將朱筆擷菁華

夢方孚若二首

仙鬼微茫果是非不如遼鶴有歸期鑄成范蠡嗟何  
及繡出平原未必知歌扇舞裙風雨散野田荒草古  
今分可憐一覺寒窓夢猶記聯鞍出塞時

二

寤寐中原獨着鞭往來絕域幾餐氈封侯反出李蔡  
下成佛却居靈運先八百里烹饗軍肉九千緜輦作



碑錢祇今誰是田橫客回首荒邱一茫然

哭孫李蕃二首

歲晚湖山寄幅巾浩然不見兩眉顰看花李益無同  
伴顧曲周郎有後身祿厚殷勤營葬地隱君歡喜得  
吟鄰唐人題李白墳云誰移  
未陽家未以作吟鄰看來造物於君厚判  
斷風光七十春

二

每歲鶯花要主盟一生風月最關情相君未識陳三面兒  
女多知柳七名自有菊泉供祭享不消麥飯作清明  
老身獨殿諸人後吟罷無端雪涕橫

懷曾景建二首

造物生才自昔難此君天矯類龍鸞聖賢本柄藏柳  
子佛祖機鋒寓棘端疇昔諸人多北面暮年萬里著  
南冠傷心海內交游盡篋有遺書不忍看

二

曾有春陵逐客篇流傳哀動紫陽仙安知太白長流  
處亦在重華野葬邊碎板一如坂貶日蓋棺不見棺  
幾年誰云老眼枯無涕聞說臨川即泣然蔡季通  
道州君餞  
之云四海朱夫子微君獨典刑青雲伯夷傳白首太  
玄經有客憐孤憤無人問獨醒瑤琴空鎖匣絃斷不  
堪聽晦翁喜之每書其  
詩君亦貶死道州異矣



內翰洪公舜俞哀詩二首

憶昔端平典冊新三麻九制筆如神  
內庭喚作真學士晚輩推為老舍人  
垂死遺言尤苦口平生諫疏最  
櫻鱗建功不作于潛死誰為君王說學倫

二

回首揚州一夢餘故交已直玉堂廬  
寒暄未省通君實窮薄空煩誦子虛  
甚愧文人於甫厚孰云夫子不回如  
君除中舍殘年無復陪精論開合平生幾幅書

送李漕用之二首

斜飛慶厯皇華遠提出熙寧使指新  
但記歐公更此

職不知趙濟是何人為常平勅剡章偏及孤寒士奮

筆先誅聚斂臣自嘆暮年衰岷甚羨君老手獨埋輪

二

漢廷益錢議交攻有詔姑惟舊法從  
聞道嶺南歌聖主一如河北感仁宗  
向舒自是堪王佐桑孔安知富  
大農他日公歸奉請問可無鯁論贊烹封

答謝法曹

二詩簡沒掃濃華作者幾無以復加  
壁十五城方定價挑三千歲一開花  
選騷意度卑唐體晋宋文章讓  
謝家莫道老夫今耄矣平章此事不應差



次王實之家塾韻

新敵朱囊映碧吟高門誰識慶元深時郊已解傳家

學石礼皆堪直禁林和介甫七葉文章真有種二郎官

職本無心庭前玉樹成陰未着手栽培盼自今王筠云未

有七葉之中名德重光爵位相繼人人有集如吾門者

喜湯伯紀登第

老覺人間無一忻恠來乾鵲耳邊聞休嘆窮鬼揶揄  
我絕喜春官摸索君疇昔先生有高第耶今後死與  
斯文不應也躍看花馬忘却江天樹與雲

三月二十一日泛舟十絕

出游歎段何從借伯厚難栖未易求看取後村翁簡  
往百錢聊稅一漁舟

二

退之歲晚南溪上把釣聯詩得幾迴便與烏衣羣從  
約及身強健更頻來

三

向來平勃頗相知使粵歸來歲月移只以一篙為導  
從亦無劍馬可相隨

四

橋低水漲過船難旋折船篷復旋安未免屈蟠蓬



底坐誰教君愛切雲冠

五

弟兄玉映更珠聯豈減元暉與惠連卻笑漢人無  
具眼羨他李郭作神仙

六

眉州嶼隔雪濤中間此山川髣髴同但是至人游息  
地邦人處々作離宮

七

雖沉壁馬計安施倏忽桑田變渺瀰說與神通君看  
取潮頭不到艮山詞

八

溪北溪南一雨通山村佳處更掀蓬老身不怕無安  
處着在漁翁保社中

九

稚子呼牛婦饁耕早秋水足麥風清老農喜極還垂  
涕白首安知再太平

十

本朝考舊數吾宗老監軒昂洛社中後五百年人定  
說過江復有戴花翁

三月二十五日飲方校書園十絕



自古根深枝葉蕃百年喬木到今存只留諫草傳家  
世莫着輜車辱戶門褚君回以輜車給從弟昭  
大怒曰着此辱門戶

四

西舍鳴笳索賦詩東家拽石請書碑眼中除却壺山

外多是新知少舊知

五

呼來不許望清光麾去奚堪作者郎莫是後身劉快  
沿插花重入少年場

六

石室千年不復開庭花無語入蒼苔石間舊客惟枚  
叟白髮重將屐齒來

七

空留蘚石卧斜陽不見奇車與贊皇何必雍門彈一  
曲蟬聲極意說淒涼



纔入中年會面難安知白首團樂不妨時駕柴車  
出只作初騎竹馬看

二

伯兄迺漢司徒掾季子亦唐行秘書只願荆花常爛  
熳莫令瓜蔓稍稀疏

三

自古根深枝葉蕃百年喬木到今存只留諫草傳家  
世莫着輜車辱戶門

福房回以輜車給從弟昭  
大怒曰着此辱門戶

四

西舍鳴笳索賦詩東家拽石請書碑眼中除却壺山

外多是新知少舊知

五

呼來不許望清光麾去奚堪作省郎莫是後身劉快  
活插花重入少年場

六

石室千年不復開庭花無語入蒼苔石間舊客惟枚  
叟白髮重將屐齒來

七

空留蘚石卧斜陽不見奇車與贊皇何必雍門彈一  
曲蟬聲極意說淒涼



八  
百年如電又如風昨日孩提今日翁乍可生前稱  
醉漢也勝死後謚愚公

九

早退分明勝一籌年行六十復何求東門瓜與南山  
豆誰道君恩薄故侯

十

後有良工識苦心今無善聽孰知音老來字字趨平  
易免被兒童議刻深

題江貫道山水十絕

世間平遠景萬幅在洪家晚至番君園方知不是夸

野處有接名  
萬幅平遠

二

一棹微茫裏孤亭紫翠間恍疑涉彭蠡又似訪廬山

三

江險不容極禹功胡可忘向來小龍子袞冕食千羊

四

夾立朝羣玉濃粧列萬笄中州不敢頓拋在瘴雲西

五

茹山千萬壘不得見天全帆出扶胥口無山只有天



六

雪冒禹碑石雲埋泌草堂早知抱遺恨悔不挾乾糧

七

半夜黃天蕩樓船雪浪中當年草檄客今日負樵翁

八

天武求搜處支祁着鎖邊淮風晨裂面淮浪夜驚船

九

展卷嗟邱也東西南北人昔還行脚債今作卧遊身

十

一匹好束緇天寒家未溫儘教兒拆繡閑管婦無禪

後村先生大全集卷第十三

後村先生大全集卷第十三

八

易見







羊姓且為虜累臣安所逃不能抱祭器聊復著離騷

賈誼

寄聲謝絳灌勿毀洛陽人歲晚治安策諄禮大臣

虞翻

孝廉已稱帝賓佐盡封侯不道投荒客交州白了頭

顏魯公

鬼質內持衡胡雛外握兵一朝臨白刃乞米老孺生

李白

幸自忤將軍那堪觸太真世無郭中令誰贖謫仙人

陸贄

飲食晚田竇門庭誰敢闕禁中無急詔不記奉人時

劉蕡

貂璫竊大柄韋布獻孤忠榜出無風漢無名在選中

右十臣

尹伯奇

不愁兒足凍第恐母心傷所以子范子惟彈一履霜

宜白

莫親於父子天性有時移竟以婦為厲空令傳作詩

申生

君父如天地雖逃安所之可憐共世子死不恨驪姬



曾子

親劬何以報子職貴乎勤梨本非難熟瓜殊未易耘

伍尚

伍奢呼二子一子奔馬逃父吾無取讎君亦未然

扶蘇

詔自沙邱至如何便釋兵君王令賜死公子不求生

東海王疆

聖經非拒父古誼有傳賢據以兵求勝疆能智自全

姜詩

晨興風色惡日晏汲歸遲寧與閨中訣莫令堂上飢

王祥

禮律通稱母能分總與親乃知履霜子絕似卧冰人

寧王

智出建成上賢於子糾多至今稱讓帝當日喚寧哥

右十子

伯夷

木主來西土檀車濟孟津只應千萬世瞻仰首陽人

嬰臼

賢矣兩家臣孤存極苦辛後來有曹馬亦是受遺人

王蠋



搜下空多士誰為國重輕列臣七十二死者一書生

魯仲連

六國鈞南面甘為北面臣向微生一叱幾帝虎狼秦

豫子

紛々荆聶輩猶有利而為智氏已無後先生欲報誰

龔勝

已設床臨牖何須綬着身遂令移鼎賊知愧飾巾人

陶淵明

卜築堪容膝休官免折腰寧書處士卒不踐寄奴朝

甄濟

唐德雖中否猶能愧畔臣盡驅汗賊者徃拜詐暗人

何蕃

城去曾聯疏宣收亦舉幡向令無太學安得有何蕃

司空圖

節將飛颺去牙郎賣美餘唐臣不負國惟有一尚書

右十節

許由

一聞堯禪後洗耳急歸休隣叟嫌泉濁牽牛飲下流

沮溺

皇々聞津者藐々耦耕人不識吾夫子寧非古逸民



荷蓀丈人

客云自孔氏不覺喜逢迎止宿見二子孰云無世情

接輿

上古聞巢父衰周有楚狂由來豪傑士不必待文王

四皓

去避坑焚禍來成羽翼功留侯不自語驅使紫芝翁

兩生

尚恐公污我何妨史失名深衣與短製同名不同行

嚴光

幸自沉溟去無端物色求蓑衣亦堪釣何必披羊裘

梁鴻

肅宗漢明主猶惡五噫詩一旦拂衣去世人那得知

龐公

採藥棲遲穩然箕篡奪去景升不愛子却念德公兒

汾亭釣者

太公輔西伯嚴子客東京獨有汾亭者無人得姓名

右十隱

荀卿

歷二非諸子駸々及聖邱乃知焚籍相亦自有源流

穆生



後林先生集

則破堂

決去先生勇懷安二子慙向令猶在坐楚市赭衣三  
伏生

偶脫驪山厄龍鍾九十餘誰知漢散故傳得不全書

轅固

面折公孫子堂負直声安知上前議乃復有黃生

申公

縮戍不自保強致老先生魯卽今朝罷蒲輪昨日迎

兒寬

茂陵輕朴學寬對乃欣然口謾設三代書纔說一篇

劉向

竊弓俱奮臂窺鼎迭磨牙同姓餘中壘昌言抑外家

周堪

舊僭臣學淺晚昭主恩深莫鑒蕭張否重來遂病瘖

鄭司農

新箋傳後學古詩發先儒不擬狂年少燈前罵老奴

王通

當時三晉地已有聖人生不曉河汾氏為隋策太平

右十儒

孟之反

棄甲爭先去收兵殿後回但云馬不進應自聖門來

後村先生集卷五



後村先生集

曹沫

數戰數敗北寧非將略疎收功一已首安用讀兵書

廉頗

浪說三遺矢猶堪一據鞍君玉不自試耳目信人難

李牧

說客為秦諜君王信郭開向令名將在兵得到業臺

白起

太息臣無罪胡為伏劍銳悲哉四十萬寧不訴蒼

蒙恬

絕漢功雖大長城怨亦深但知傷地脉不悟失天心

魏尚

塞外傳烽急雲中調守難誰為帝言者白髮老郎官

李廣

飛將無時命庸奴有戰勲誰憐老衛尉身屬大將軍

馬援

土室不堪處其如瘴毒何暮年疑段馬有愧少年多

劉琨

除却祖孫外餘皆在下風老奴口耳小安得肖司空

一右十勇

廣成子

後村先生集卷四

七

易見堂



後村先生全集

不能戰涿鹿聊復隱崆峒揮手謝軒 毋煩順下風

彭祖

活得如彭老憂愁八百春頻為哭殤叟屢作悼亡人

老子

了不見矜色晬然真德容先生新沐髮弟子嘆猶龍

列子

肉身無羽翼那有許神通會得冷然意人人可御風

徐甲

白骨因誰活青牛與爾俱未酬再生德更索積年逋

王子晉

則石

宿有駮鸞約飄然遡碧霄不為君主老却伴女吹簫

安期生

子羽徒扛鼎其如久轉圓不能決王霸聊去作神仙

劉安

忽棄國中去疑為方外遊早知守都厠何以莫仙休

梅福

忽去為吳卒深逃安漢公翻身天地外脫屣市朝中

孫思邈

藥品用昆蟲遂虧全活功至今仙未得只在蜀山中

右十仙

後村先生全集 卷十四

易見堂



後村先生全集

與碩堂

瞿曇

世傳漢明帝始夢見金身昌不現列子西方有聖人

維摩

面色削瓜黃眉毫覆雪長安知四天下只在一禪床

善財

放勛訪吾叔魯叟問弘明所以此童子諸方亦遍參

達摩

直以心為佛西來說最高始知周孔外別自有英豪

盧能

明鏡偷神秀菩提犯卧輪更將舊衣鉢石斷不傳人

馬祖

若非大氣魄只是小机鋒老子一声喝學人三日龍

德山

此老手中捧輕；也有癩佛來與三日某甲莫須餐

支遁

若以色見我幾于貌失人林公少鬚髮澄觀欠冠巾

澄公

值亂行何適隨緣住亦安能將石虎輩只作海鷗看

誌公

寺甲於江左身逃入禁中如何淨居殿餓殺老蕭公



右十釋

衛姜

俱着錦衣裳憑誰辨綠黃可憐君耄矣賢嬖不實姜

阿嬌

甫聞阿嬌進又報衛娘留莫倚金為屋重只鎖愁

烏孫公主

玉座吞声別邈車觸目悲如何漢公主去作虜閼氏

平后

歌作已佐命雄甘為大夫獨餘黃室主不肯面新都

辟司徒妻

倉皇問君父忠孝兩關心絕勝杞良婦惟知哭藁砧

婁缺妻

昔有二人貧耕田與負薪朱妻志求去御婦敬如賓

默妻妻

夫節獨高古妻賢傳至今既為加美謚復不用邪衾

齊人妻

不敢怨夫子徒悲誤妾身安知同穴者乃是乞墻人

孺仲妻

彼雛飾容服吾穉業耕鋤不以貧慙富賢哉婦敬夫

廬江小吏妻



尊嫜有嚴命妾不獲從夫去。猶回首諄：別小姑

右十婦

名南勝 貴賤有定分勤勞無怨心若令逢呂武亦化作姜任

李夫人

恍惚疑如在纏綿愛未休明知已仙去猶欲出神求

馮昭儀

獸不能加害傾身障頰紅安知丁與傅他日鷲于熊

班婕妤

妾命薄如帛君恩冷似冰生當事長信死願奉延陵

蘇秦鄰妾

主命亦危矣媼謀真拙哉煩君賜妾杖嗔妾覆君杯

樊通德

粧束姑隨世風流六動人等閑擁髻語千載尚如新

銅雀妓

誰謂曹瞞智回頭玉座空向來臺上妓盡入洛陽宮

房老

殘香猶在筭舊曲常書裙不及新歌舞樽前奉主君

綠珠

向來金谷友至此散如雲却是娉婷者樓前不負君



柳家婢

忽見牙郎態吁嗟悔失身不虞小婢子曾是柳家人

右十妾

後村先生大全集卷第十四

後村先生大全集卷第十五

詩

雜詠一百首

毛遂

兩國爭衡際諸君袖手觀羣然着珠履誰肯捧銅盤

荆軻

把袖謀幾售開圖計忽窮空遺千古恨不中祖龍曾

項羽

頽無英霸氣尚有婦兒仁聞漢購吾首持將贈故人

陳勝



辛苦傭耕久飢寒  
誼戍餘竟令秦失鹿  
首為漢馘魚  
博浪壯士

殿上俄流血沙中竟脫身  
乃知燕刺客有媿漢謀臣  
朱家

貴不見渠面危曾活爾身  
柰何施一鉢便責醫桑人  
田橫

南面稱孤貴西京謁帝卑  
誰知如李密更望一台司  
劇孟

向令從七國是自列陪臣  
太尉空稱賞非知劇孟人  
孫策

魚服俄離網龍泉忽缺鉅  
却將江左業分付紫髯郎  
周顛

戴昔劫名士周嘗暴里人  
少年一蕩子晚歲兩忠臣  
右十豪

鬼谷子

遺書今羽化傳者匪真書  
此老縱橫祖儀秦得緒餘  
二衍

雖以賓師待幾於妾婦  
然不羞君割地謾對客談天  
韓非

韓子流于慘冊書妙造微  
百年同一傳誰是復誰非



莊子

夸大帝傳由形容跖侮印僅饒眊禦寇共載一虛舟

侯嬴

白髮夷門老能興晉鄙師王曾備它盜不備魏如姬

范雎

不待精神契唯憑頰舌求暮年薦燕客差勝似穰侯

蘇秦

常產常心論平生不謂然晚知蘇李子佩印為無由

田光

北面老先生人閒事飽更不聞求樂氏但見薦荆卿

茅蕉

蕉子如天膽秦王似屋噴如何刀机上活得解衣人

蒯通

酈生方橫死蒯徹亦陽狂設不逢劉季同趨一鼎湯

右十辯

墨翟

墨子城無恙公輸械有窮要湏能壁立未可恃梯攻

擣里子

石馬殘陵下金鳧出藏中誰云擣里子卜墓近秦宮

陳平



巧言愚冒頓厚賂餌關氏秘計言之醜剛云世莫知

鼃錯

危鼃知不免削楚慮空長東市哀朝服西京號智囊

楊修

老賊有肝鬲多為德祖窺誰令預籌事更與共觀碑

倉舒

全活嚙鞍吏平章秤象船至乎真有幸舒也竟無年

荀彧

殺身明逆順濡足救危亡未必荀文若甘為操子房

劉備

華容蘆荻裏一炬可無遺歎息劉元德平生見事遲

杜預

商征滿腹智實似小兒癡漢水有涸日沉碑無出時

李衛公

肘後臣非靳胷中彼未純乃知兵妙處不可妄傳人

右十智

韓起

帶從內府領執出古陵間却笑韓宣子區區愛一環

富平侯

童作夫人訪藏錢百萬多不知三篋內還記舊書麼



董卓

虎視無強對，鴟張有慕心。可憐腹裏燭，不照塢中金。

王戎

惜李常鑽核，商財自執籌。如何嵇阮輩，放入竹林遊。

石崇

金谷觸豪友，珠樓擁艷姬。南交來處悖，東市悔何追。

祖珽

左氏譏懷壁，揚公却袖金。安知機巧者，藏得巨羅深。

張說

王檢匪頌隆，珠簾餽遺通。更揮諛墓筆，褒讚死姚崇。

元載

三千兩鍾乳，八百斛胡椒。不悟口中韞，猶貪掌上腰。

杜兼

沒有財遺臭，生無善可傳。向來堆百屋，盡是窟郎錢。

桑維翰

五季驕諸鎮，終朝易十人。使無孔方癖，猶是晉名臣。

右十貪

尹氏

聚蹶并番橘，今犹唾姓名。國人深可畏，尹氏更須平。

太宰語



西子宴姑蘇靈昏賜屬鏤如何居上宰忠越不忠吳  
呂不韋

豫建無長慮旁窺有敗心絕羸由呂相繼馬乃牛金  
李斯

焚餘寧有籍坑後更無儒不解愚劉項翻令二世愚  
公孫弘

極力排舒黯聯翩去不迴惟應刀筆吏時得到翹材  
孔光

接幸傳呼至師臣偃僕迎暮年靈壽杖幸自可扶行  
李林甫

二相去留際中原治亂分異時馬上淚遙灑曲江墳

盧杞

潛爲蟠宮闕忠賢血賊庭相若無喜愠面色只藍青

崔昌遐

本欲除閹腐安知名寇戎緇郎不為相朱賊得稱雄  
馮道

坐閱數朝主竟為何代人漢官敬歷徧更作虜帥臣  
右十險

巷伯

哆侈何其甚憂傷只自知雖經夫子筆不廢寺人詩



梁邱據

國漸移田氏人誰悟景公牛山兩行淚據與寡人同

臧氏

嬖與賢分國賢踈嬖在旁未嘗無樂克其奈有臧倉

景監

但見顯朝久誰知媚竈勤紛々由嬖進非特一商君

趙高

歸自沙邱後因專定策功國由中府令帝在望夷宮

曹騰

費亭侯在日亂已有萌芽養得螟蛉種猶能覆漢家

張謙

舉國排闥尹還鄉少弔賓太叩芻一束全活幾多人

高力士

五十年間事渾如曉夢餘三郎內南裏何況老家奴

仇士良

國老辭機密闥兒叩緒餘殷勤傳一訣莫遣上觀書

張承業

勅使為唐患忠唐獨有君晚知王自聚悞殺老鹽君

右十嬖

神農



盡識復無毒明知董有灾安知嘗試者百死百生來  
素女

厥初具形貌固已具陰陽素問無人讀流為采戰方  
扁鵲

疾始于榮衛衰哉不豫謀貪生諱聞死天下幾桓侯  
醫和

壽有可延理醫無不死方扁曾憂骨髓和亦畏膏肓  
李醯

自昔名高世皆由藝入神未應除扁鵲世上便無人  
夏無且

秦法嚴堂陞秦兵遠殿廬如何危急際只有一無且  
華陀

古來神異少天下妾庸多文帝能全意曹瞞竟殺陀  
壺公

跳入無人見誰知有路通長房非點者草之出壺中  
陶隱居

方差能腊腹學誤至漸襟幸有經文在休于注脚尋  
韓伯休

女子乃知我明朝變姓名可憐逃不密猶迫詔書行  
右十醫



正咸

列書說知死楚些說招魂尚莫窺壺子安能返屈原

史蘇

繇語幾于識流傳信有諸王何謾辛苦易自是占書

詹尹

魚腹蠱臣訣蛾眉衆女仇靈均空發問詹尹若為酬

季主

未買兩名士芒然立下風信知古賢聖多隱卜醫中

洛下

巧歷雖千歲先知一日差未能下筭子亦道是占家

嚴君平

賣卜本逃名下簾無市声何如穹壤內知世有君平

京房

元帝何曾論京房自此疎區々推卦氣欲撼石中書

管輅

平叔知幾語疑於易學通歲朝不相見隔日問三公

李淳風

逆知生女主預說覆唐宗誤殺五娘子安知在後宮

袁天綱

似有人推背相傳果是非請君看祕記若箇泄天机



後林外空抄錄

右十卜

項橐

義理無窮盡雖邱或未知老聃與項橐聖豈有常師

甘羅

函谷非無士登庸乳臭兒空令園綺輩頭白不逢時

外黃兒

子羽力扛鼎諸侯屈膝臣能從小兒語盡活一城人

終童

武帝有荒志終童無遠謀長纓自繫耳莫繫越王頭

童烏

擊蒙鑿帝竅躡等草之經混沌死七日童烏天九齡

荀陳

或作操謀士羣為丕上公暮年翻有愧膝上與車中

孔融子

二拜吁何罪冤猶在史書老瞞渾忘却只記哭倉舒

通子

但愛梨并栗不傳琴與書乃翁莫惆悵它日舉藍輿

阿宜

牧有諄；誨宜無赫；声假令如叔父一世得狂名

阿買

後村先生全集

卷十五

十

易見堂

貝石堂



座上交游廣城南講讀餘如何萬金產只解八分書

右十拜

漆室女

舉國聽桓子呼天誅孔邱可憐倚楹女徒為曾君憂

東家女

神女登徒子微詞未必然感襄通一夢窺玉費三千

散花女

狡獪疑無幼姝妍復似魔殷勤把花去莫惱病維摩

緹縈

天子覽書悲肉刑無復施不惟嘉列女亦自活神醫

曹娥

芳壤有時敵娥名萬古垂直從彤管筆便到色絲碑

阿承女

古人重言德初不論傾城切莫傷容鬢犹堪嫁孔明

戴良女

竹筍并練帔何妨託妾身若逢夫婿問向道乃翁貧

木蘭

出塞男兒勇還鄉女子身尚能吞北虜斷不慕西鄰

投梭女

琴挑何曾動梭投未免慙女郎循古礼元不解清談



靈照

首如飛蓬亂家賣流離供老漢驚吾女禪機捷乃翁

右十女

後村先生大全集卷第十五

後村先生大全集卷第十六

詩

讀竹溪詩一首

不敢匆匆看晴窓幾絕編參他少林髓饒得奕秋先  
友願低頭拜師曾枕膝傳已將碑印子牒過竹溪邊

甲辰書事二首

投書猶濕謗書隨太息斯人得禍奇文舉舊曾稱一  
鷄退之亦自喜孤羸彼讒罔極身羅織吾意憐才力  
髮絲老去眼中神駭少諸君莫怪道林師

二



往昔曼卿曾奪救後來同甫竟成名  
草茅匹士謀身拙槐棘諸公議法平  
四服若無探禹穴明時定不血  
秦坑何當拜舞雞竿了沽酒封羊與豎驚

再和

動而得謗亦名隨生子看來不必奇  
爾輩真堪界豺虎君王安用獵熊羆  
人言李白文如錦誰信盧能命若絲  
迴首世間機穽惡子歸閑戶有餘師

二

鵲袍再着姑行法雁塔重來定策名  
太尹前呵寬賈島相君十反訪州平  
故溪舊有釣魚石平地金多陷

馬坑不信天公四兩烏一鳴會遣百蟲驚

三和

自古名高易毀隨誰令個儻更權奇  
心知吾友必中鵲眼見乃翁初夢羆  
所幸解驂逢晏子不須結客報袁絲  
古人進德多曰此公治臺卿即汝師

二

同進多為蕢訟屈薄徒若與賀爭名  
從教雪犬吠所怪肯學秋蟲鳴不平  
沙風伺人陰發矢蝦蟆欲客化為坑  
王川答蝦蟆云我身化作青泥坑相逢莫說當時事說着當時尚失驚



四和

一索蕭然五鬼隨竟緣名威與文奇可曾天下無麟  
風何必山中有虎羅蜂蠆尾猶如許毒蜘蛛腹得幾  
多絲聖賢不校吾家法車及蒲駮豈足師

二

誰謂斯文無定價獨憐之子坐虛名主司頭與筆俱  
點宰物心如秤樣平駿馬却還國北域病鴟墮落屋  
東坑老夫謝絕人間事亦為諸賢喜且驚

五和

出門機穽已相隨竟放靈均逐伯奇始者蓄膚微似

蚋俄然擇肉及於蕉韓詩擇肉於熊不言快箭穿楊  
葉却訝長松託兔羅肯顧兔與狸絲收壞人材由利祿乃知曾點勝  
頤師

二

少日父兄夸俊聲後來塲屋擅文名錦囊久矣憎長  
吉玉枕幾於殺何平王敷殺何平怪底鷗羣及曾隊  
化為虎落為蛇坑可憐彩翠矜毛羽顧影無言只自驚

六和

對策南宮恥詭隨攄聊腹憤發胃奇並驅何異牛同  
驥獨步方知虎畏羅罰汝業儒磨鐵鏡輸他擁妓寫



烏絲區、夢裏爭蕉鹿笑殺傍人與士師

二

范老登科猶別姓余公應舉亦更名人心何止予般  
險世道于今砥似平到了顏衣同適市知他白楮欲  
誰坑鍾會作大坑白楮欲殺魏兵未幾為魏兵所殺雲端別有冥冥翼不受虛  
弦浪箭驚

七和

妙年文價重和隨不料東家產此奇讒者紛、傳有  
虎詞人往、讓于羅探囊已足三年艾補衮那無五  
色絲聞說卜隣王翰了長卿安敢出偏師

二

南宮放榜已蜚英北闕傳臚却漏名潛掾八人文最  
敏温飛卿事盡歸一網氣難平白生作麼教持杵越石爭  
此已見坑王懼刘琨兄莫倚晴天頻吐綬兒童見了又  
須驚

八和

黥兒陰挾彈丸隨發巧懸知中必奇蠅本至微求附  
翼驅猶可畏况生羅李義山詩封狼烘燂似蟲羣藏  
絮纏縛如蠶自吐絲玉汝于成賴渠輩何須挾策遠  
從師



二

早知抱璞煩三獻底用操觚角一名歸去驢堪馱子  
美向來羊尚叱初平里居僅有簞瓢巷壁立原無鼓  
鑄坑說與添丁并德曜從今熟寢不須驚

九和

群兒孰敢比肩隨翻水成文出愈奇人欲闕弓戕  
后羿天寧飛箭中玉羆愛材不忍淹叢棘去惡真如  
斬亂絲珍重阿蒙宜努力此生不可負君師

二

肯索星明方用事金花帖至枉標名朝無左右容鄒

子家有婢媛詈屈平忍使衣冠同坐銅未聞逢掖自  
相坑還鄉何止交游絕鷗鳥逢渠也自驚

十和

一夫倡禍翕然隨白晝通都作祟奇割肉直將人餒虎聞  
聲能感類求羆忽傳先輩逢清雪失喜衰翁有黑絲  
自古英才須樂育謂予不信質先師

二

盛德能容人有技收心尤忌士知名訓孤声厲憎韓  
子鸚鵡才高類禰平斑特隱君幾負局塞鴻奴輩不  
煩坑客來林下温前話尚得山翁掩耳驚



送寶之倅廬陵二首

芻言當日偶然同白首家山各固窮海內僅存一畏  
友人間遂有兩愚公似聞黃閣登迂叟且向青原訪  
醉翁此士未應無着處栖々十載六治中

二

君去江邊春色濃群花照眼萬枝紅守分風月元非  
贅吏白文書但托聾黃本何堪處秦觀白麻近已拜  
申公早歸了却蘭臺史莫久吟詩快閣中

送葉士龍歸竹林精舍

侍講開甥館三閒不至舍少曾居北面老只往東家

野老庖尤美深衣袞未華何時尋舊路去謁去川茶

勉齋依文公以居  
雲史勉齋高第也

題李斗南詩卷

君家兩詩人詩名滿天地大者扶宿醒入論金鑿事  
小者來天風去草玉樓記却後五百年之子豈苗裔  
奈何不神仙亦復未富貴抱瑟諸公門索米長安市

題安仁陳惠父詞卷

已着西山序集端欲添一字愧才慳平生行脚千詩  
裏歲晚營巢萬竹間後有揚雄寧不好世無孔子孰  
能刪歸舟他日溪邊過珍重先生莫掩關



夜讀樂平吳桑書鈔用與伯紀韻

病思羈旅少豫忻暮年猶幸友多聞干枝管禿目稽  
古一啜芹甘欲獻君明主何曾輕樸學後儒大率讀  
今文藏山俟聖君儕事何必時人好子雲

挽湯仲能

拔起真三秀分飛祇二難怕趨丞相熱寧忍后山寒  
梅老徒書局徂徠不諫官如何今國奕白首局傍觀

二

訃至聾三日悲來贖百身太邱州里化伯起子孫平  
零落歐門士消磨濮議人殷勤齊掬淚一灑素車塵

無題

主聖如天忍棄遺臣愚何地着孤危白虹貫日殆虛  
語中野履霜無怨詞寶玦已隨屍血浸錢鞭未必鬼  
臂暮年一寸丹心在却怪湘纍有許悲

十一月二日至紫極宮誦李白詩及坡谷和  
篇因念蘇李聽竹時各年四十九予今五十

九矣遂次其韻

翰林兩仙人偶來聽風竹蕭々玉千竿采々綠一掬  
少時負不羣中歲乃見獨嗟予長十年所至戀三宿  
徑當還笏歸矣 標著卜夜即與偕耳老大費往復



宜州殿其後路險車又覆山中採芝去舍不炊梁熟  
答王侍郎和紫極宮詩

侍郎如蒼官歲寒友梅竹步行以當車瓢飲不如掬  
舊人存者少靈光歸然獨朝野推意新州間敬齒

宿嗟子詩學淺未敢窺衛卜衛宏卜商朱絃纔一倡白圭

費三復共談端平事前局尚堪覆願言介眉壽江鄉

林田熟

答廬陵彭士先

昔牧昌黎州嘗負君詩債今使番君國又辱君訪建  
稍訝顏髮非因感歲月邁君氣不惰歸君詩有光怪

乍觀祛目皆徐聽驚耳曠柰何行推敲不使坐磨載  
茫々彭蠡津衆水之所匯投竿鰲堪釣拔劍鯨可膾  
茲事要力量斯文極變態吾方困銛筭君亦挑布袋  
人生并合難况復各老大

題弋陽方友民所藏紫岩西山二帖

摩娑妙墨憶微言故篋纔餘二帖存徃昔翁為紫岩  
客後來及浦城門晚生多說叅諸老他日誰堪見九  
原自嘆西河索居者暮年歸夢遠田園

題方友民詩卷

剛定實惟曾大父文忠况是老先生力行所學斯無



愧偶發于詩亦有声合止笙鏞成雅奏抉挑草木示  
微情嗟予公事君歸與不得相從細講明

答陳楙伯

乃翁良玉不勞攻之子天葩特地紅海道偏舟明白  
具江東尊酒幾時同上樓誰伴老元德驚座今逢小  
孟公回首暮雲千里合有書何處托征鴻

二

聖處分明世鮮知古人豈是異肝脾謂鰲可釣無傳  
法視虱如輪有悟時老子夢中還說夢即君詩外試  
求詩向來柱立埋腰雪妙在心通不在師

送王允恭隱居

一葉撐來江浪濶煎金却去客囊空都将歲月供丹  
竈不要功名上景鐘古有禮羅招處士今無書幣起  
逋翁南陽祇在荊州北時一登高弔卧龍

送方時父

回來羞作繞枝飛劉表區區不足依索飢兒嗔郎罷出  
畫眉人約蒿砧歸食魚底處容長缺射虎今方尚短  
衣老縛一官行未得羨君去採故山薇

題宋謙父四時佳致樓

吟者多矣率為環翠卒章下注脚惟張公



元德兼取別詩佳興與人同之句以互相發明余不識張公端平初同召審張辭不至余所愧也故拙詩本張遺意

四序推移景迭新二詩體認理尤親愛蓮六既見君子看竹不須通主人領畧春風來廣坐分張月色過比鄰端能着我西家否客戶何妨贊一民

題宋謙父詩卷

佳山祠畔結茅茨猶記吹塌更和麓蘇氏舊稱小坡賦秦家晚重少章詩交游一老今華髮疇昔諸昆最白眉子不可求吾欲去避閒塵榻拂何時

寄揚休文高士

未答前書每有慚忽收近訊自開緘繳回玉筍山人號換得金門羽客銜石鼎聯詩塵滿硯竹宮應制草盈函可憐予與君俱錯投老方思卸戲衫

題倪上人詩卷

故交歲晚各西東解石詩人慰老窮莫把冠巾浼澄觀更添鬚髮惱林公強牽謝客為禪客閑伴涪翁作釣翁行矣子方有公事異時倘肯訪山中

題羅亨祖叢菊隱居

今君抱送當秋晚手種寒葩占斷清伯始厚顏貪飲



水靈均滿腹飽餐英要須晚節分香臭寧與朝華角  
悴榮父老方夸琴調古未應高興蒸淵明

題餘干姚三錫書鈔

頃傳湯序心傾挹茲得姚鈔手闔開朱子所疑非孔  
傳漢儒之罪甚秦灰時清縱未經筵召歲晚寧無掌  
故來攬轡遠臣慙力薄不能為國論遺材

挽李秀巖

耆舊凋零尚秀巖可堪華表揭新銜甘泉頌就拋荷  
橐寶苑方收入枕函夙昔山人未少室暮年太史滯  
周南嗟予去速公歸晚不得埋腰立雪參

二

獲麟以後便休論化鶴而歸亦浪言過眼忽看遺老  
傳終身不及長公門山房惜未從公擇書局聞曾擬

道原今丞相游公嘗言秀巖欲以史局見辟六合茫茫千載遠些成無

路可招魂

追用南塘韻題尹剛中潛齋

幽士慕鱗潛通人笑蚓康誑腸壘味美節腹筍生添  
諸老徒推轂先生且下簾食惟陳簋二餽不貴金鎌  
和靖招延晚方齋任進恬緒言傳粹密古調埽穠纖  
紫氣來傍境靈氣告吉占回思眠雨艇得似曝晴簷



無已游坡谷徂徠客弼淹芻言輕一羽未必動岩瞻  
追和南塘韻呈湯伯紀尹子潛

誅南浦了誅餘杭各掩新邱若斧堂不見天球在東  
序競吹宮籟奏西涼後生誰附青雲傳故史惟餘白  
首郎浩嘆縹、雙鳳遠老身如雁漫隨陽

題蔡炷主簿詩卷

詩作平生崇因而廢不為君豪頻挑戰吾老却交綏  
哨騎來無定網船發尚遲日長無職事半是撚髭時

又七言

舊止四人為律體今通天下話頭行誰編宗派應添

譜要續傳燈不記名放子一頭嗟我老避君三舍與  
之平由來作者皆攻苦莫信人言七步成

題汪道士雲庵

觸石纔膚寸垂天忽怒飛道人不出戶笑汝出還歸

次韻湯伯紀送別二首

尚在朝廷記憶中敢于父命擇西東獨憐家有百歲  
母可使人喚六十翁度制子能華歲晏尊羹吾六感  
秋風書成藏向深山裏莫費君王遣所忠

二

比似莆杭傾蓋時更崇古雅黜新奇久栖衡泌寧非



樂不倚門牆未易麾析理自應重兼席論文吾合監  
降旗撫絃欲奏成三嘆何處而今有子期

餞送高大著出鎮嚴陵

抗疏鳴陽易翻身出畫難無家歸蜀道有敕管嚴灘  
席藁臣言慙分茅聖度寬空令同館士極目認帆竿

進經筵講禮記章詩

惟王建邦國以禮定乾坤大分嚴堂陞弥文及冠昏  
徐行非曰遜亟拜不為煩臣豈容私量人誰越短垣  
秦惟捐則覆魯以秉而存制備周京富儀成漢帝尊  
民奠何可泯經籍未嘗燔明主親臨決諸儒共講論

禪謔謾求野戴聖自專門伋學方垂範冊書盍塞源  
四篇殊建武百問陋開元會萃新編鉅芟夷聚訟繁  
卑詞羞狗曲小辨戒猩言舞蹈威顏近傳宣詔語溫  
昭回灑義畫燕犴洽堯尊室帶放藏府名駒出大宛  
秉持叨象版烹吸試龍園羈賤均蝼蟻清華綴鷺鷥  
諛聞慙倚席朽質謬乘軒佔畢無嘉頌將何報上恩

恭和 御製禮記徹章詩

臣某恭惟 皇帝陛下蹈堯稽古法禹惜陰臨政  
二紀于茲典學靡一朝而輟屬者禮經徹卷講席  
第勞錫御府之珍藏張鈞天之廣譙被以昭回之



飾洋乎雅正之音其在宮庭已踐臣湯制心之訓  
 及形翰墨不忘孔氏克己之言皆上聖知行之所  
 充非諸儒誦說之能贊臣猥從遠服甫侍細旃夫  
 何蝼蟻之微忽覩龍鸞之妙非但詔殊恩於流  
 輩又將傳至寶于子孫仰止明良方賡喜哉之作  
 退唯狂簡輒裁斐然之章謹昧死仰和聖製一首  
 陳謝以聞臣無任瞻天仰聖激切屏營之至  
 臨決遺經自聖衷固殊野外與淹中五三典禮勤稽  
 古十六星霜久積功倚席居然慚寡淺登床安敢素  
 卑崇防民不在文為未端繫宮庭實踐充

丁未春五首

端平淳祐兩匆匆眼過光陰掣電同六十一翁無出  
 理孤山常寄夢魂中

二

生死榮枯一村天誰能裸露自求全殷勤寄語袁司  
 隸濫及無鬚或可憐

三

道是生姜樹上生不應一世也隨声暮年受用堯夫  
 語莫與張程幾箇爭

四



聖和學園短類大  
後村先生詩集  
屢批龍鱗春未衰孤臣萬死負恩私玉階方寸從容  
語惟有天知與上知

五

朝領諸儒上木天夕同野老話茅椽何須支枕思殘  
夢宮錦漁蓑總偶然

和鍾子鴻二首

匹雛欲拔佞山難還勅區區慕守官拚虎自憐餘勇  
在狎鷗似責昔盟寒新麻斲腕毋容草墮甌迴頭不  
更看老子平生差耐事肯于得喪置悲歡

二

清吟頗覺續貂難銜袖勤於勢熱官怪子車輪行地  
遠愧余門戶似冰寒春糧祀數呼兒具覆醬文章怕  
客看老去商歌聲滿屋孰云野處寂無權

題端溪王使君詩卷

社友凋零雅道窮使君于此信英雄情性所發前無  
古騷選雖高不必同蚤日甫曾懷渭北暮年止只在  
家東何時偃伯具文治盡採新吟獻法宮

疊元韻謝元遂

愈叩新 愈不窮小儒氣素敢爭雄安知太白心腸  
異但見曹公口鼻同顧我牢愁來澤畔放君獨步向



江東南朝人云江東無我卿當獨步他時應制金鑾殿定有蛾眉妬  
入宮

三疊

文字無窮才有窮可能織豔敵渾雄蚤知大將壇場  
峻晚作鄰翁保社同臣向讎書曾殿北本傳石渠在未央殿北

君公避世且墻東後漢避世精東王君公男兒遇合由時命豈

必詩名滿六宮

挽陳惠倅

昔預八仙飲深知七子才云何埋玉樹不復倒金壘  
錦製曾三試羅浮欠一來吾衰慚誅筆騷首寄餘哀

挽姚循州直夫元泰之弟

太息龍川守專城美績傳方聞歌叔度俄有謗文淵  
舊府黃茅外新邱紫帽邊二姚俱已矣懷一悽然

荔枝成熟四首

繡行鄉國詫兒童錦裏宮城擅長雄看取后村真富  
貴屋山丹繪半天中

二

曾攀玉李青冥上六摘蟠桃縹緲邊定是三生有靈  
骨謫歸猶作荔枝仙

三



牡丹姚魏荔方陳歐蔡亡來罕識真縱使有文堪續  
譜未知楷法屬何人

四

吳兒一夏甑生塵梁藕炊菱不療貧安得風檣馳萬  
樹屬饜菜色覓腸人

石塘感舊十首

浮空紫氣何須爾度世金丹豈有之函谷不煩關  
尹出城南莫遣樹精知

二

鹿門陳迹有餘哀猶記龐公返自崖行到當時相送

處不知老淚自何來

余往來甥館外舅未嘗相送  
惟戊子悼亡而歸送至延慶

三

沈郎院閉綵雲收寂寞秋花折樹頭留取斷絃來世  
續此生長抱百年愁

四

比邱會泣別曇瞿秦失三髡弔老聃自笑此翁非錢  
漢白頭來此哭同參

五

鬢邊雪映眼中花更閱人間幾歲華丁未老人開七  
秩尚攜雞黍到君家



六  
光霽丰標今寂滅靈明根性詎消磨夜來一段佳風  
月不見堯夫只見窩

七  
三塋相望一牛鳴來埽新松百感生季札旋封邱哭  
墓晉人謬謂聖忘情

八  
禪學年來亦自衰大叢林屬小園梨寒翁庵子如蝸  
殼却有彌天釋住持

九  
中軍晚歲甥辭去左相今朝客不來看取少陵誠長  
老死生林下伴寒齋

十  
久作遼天獨鶴飛鏡鸞餘念尚依、荒山野水蘇溪  
路愁絕鰥翁挈影歸

九日登辟支岩過丁元暉給事墓及仲弟新  
阡二首

絕巔萬籟靜沉、重倚闌干感慨深古佛龕中苔上  
面故交宰上樹成陰山無白額妨幽討野有黃花且  
滿斟莫怪徘徊侵暮色老人能得幾登臨



二

歷々向時遊覽處重來年已迫桑榆大衾尚欲同林  
下華表安知忽路偶自古曾悲摘瓜蔓即今不共插  
茱萸人生患不高年爾到得年高萬感俱

題林璞經屬平寇錄

倏爾蜂窠起俄然鼠首梟果能歌競病不枉事嫖姚  
瘴氣收氛祲朝家賞爛焦祝君深養勇稍北有天驕

季父習靜哀詩四首

關路源流遠乾淳輩行尊一檠常對卷貳簋六開樽  
編素幾空卷玄纁不及門異時遺逸傳誰定訪邱園

二

憶在嬰兒時常依少父傍不嗔仲容小猶記阿宜長  
誨語祛蒙吝埋詞愧惰荒從今有疑義無復叩山房

三

習靜先生子劉子新阡即此是標題便無華表翔雙  
鶴不有生芻藉隻雞在昔陶潛書處士從它孟德揭  
征西原頭一慟關倫紀始信彭殤未易齊

四

易學紛々各著書獨於師說着功夫涪翁舊傳七分  
止邵子先天一畫無不遺耆英陪講讀空留意句授



生徒即今黃策方施用姑可藏山待後儒

工部第哀詩二首

忽然吹散恨難平六十年間老弟兄春草池塘成昨  
夢夜床風雨付來生歸謀甫里田差曉去與端溪石  
共行部曲出門情態異不如籠鶴有哀聲

二

去歲書來欲解麾教行遺墨半傾歆斑衣不遂娛親  
志白髮因吟哭子詩讓棗猶如前日事摘瓜空抱暮  
年悲情知哀淚無堪滴原上寒茄若死知

挽方德潤寶學三首

龔勝乘車晚陽城伏閣初自去臣語慙不是上恩疎  
黃壤全名節青編載諫書始知年與德造物有乘除

二

憶被烏臺劾非傳偶同誓言拚萬死明詔赦孤忠  
全活皆英主淹留各禿翁傷心古道直不返瘴雲中

三

晚賜延和對言公去國深遂良垂白髮臣甫抱丹心  
馳驛無銀信移麾有玉音遙知遺奏上未免動宸襟  
挽万孺人寶學之女

壺範經親授笄年詠好述謂迎荷橐返豈料舜華休



斷鴈元方恨離鷺小宋愁鄰翁憊無力不及送原頭  
陪諸先輩題名登春臺耀軒即度次故相陳

魏公韻其繼作

臺荒屋老閱人深拂拭留題重整襟科目一朝來券  
外姓名三世在碑陰公孫晚歲叨明詔裘氏當年費  
苦吟報與曲江先輩道老婆非復少時心

二

鰲頭唱首各高深才薄難披作賦襟已覺鷓鴣花成一夢  
尚貪瑩雪競分陰即今空負臺萊意夙昔曾膺殿閣  
吟北望鈞天搔白首區區終堯心

答循倅潛起

別後書稀夢亦稀忽傳尺素到柴扉不知天驥方徐  
步將謂雲鵬久怒飛句律斬新似過舊姓名畧是復  
疑非長官仙去賓朋散存者依稀有杜微

宰君為主薄余始識君於縣齋

亡友鄭君瑞為閩清

過季父新阡

父凡俱映漢蒸青獨老空山聚凍螢生不肯扶靈壽  
杖死堪上應少微星向來枕却傳師學末後懸棺合  
禮經惟有書房舊時月夜深得照疎櫺







語可是梅花累此翁

火狂籍草共追歡，鏡笛橫吹到夜闌。老怕畫簷風露

冷，不如吹燭隔窓看。

塞北寒梅要笛催，更雷盡鼓奪春回。江南氣候閩尤

暖，只用詩催也自開。

斧殘留得半株斜，相對微吟到暮鴉。堪嘆病翁無綺

語，不如枯樹有琪花。

丁寬與易俱東去，神秀離禪作北宗。天恐孤山無種

子，一枝分擘付寒翁。

有香影處即追攀，豈必西湖水月間。若問何人傳此

訣後村翁授小孤山

翁與梅花即主賓，月中編袂對烏巾。不知衛玠何為

者，舉世推他作玉人。

二疊

晚作園翁自荷鋤，春風那肯到吾廬。且須憐意着芳

潔，纔說和美俗了渠。

生在荒山野水傍，可曾倚市更窺牆。幽妍醜殺施朱

女，高潔賢於傅粉郎。

漢魏諸賢韻已卑，六朝人物復何為。平生老子羞由

往，不識蟲兒與玉兒。



浮休歎柳斫為薪子美憐梅傍戰塵只願玉闕烽燧  
息老身長作看花人

環子麗華皆已美謫仙 客兩堪悲懸知千載難湔  
洗留下沉香結綺詩

百卉凋零独凜然谷風栗烈澗冰堅陰山餐雪有巨  
節中野履霜無母憐

暮年鼻塞等薰蕕高摘濃薰兩罷休奴妍長枝汲薪  
水老夫不復置香篝

看來天地萃精英占斲人間一味清喚作花王應不  
忝未應但做水仙兄

嘔出心肝撚短髭籬邊沙際動移時獠奴竊笑翁迂  
澗因斲梅詩忘午炊

錦囊玉笛昔追從度曲聯詩雪月中老對梅花無意  
味欠詩欠笛欠花翁謂李蕃

三疊

唐時才子總能詩張祐輕狂李益癡管甚三夷偷玉  
笛誰他小玉寫烏絲

銀燭千枝插樹頭燭光花氣半空浮人間富貴真  
珠室天上通明白玉樓

羣玉峯頭玉帝家橋邊池上玉橫斜白頭老監今留



落會領群仙共賞花

瓦瓶側畔設蒲龕縱有推敲緊閉庵何處諸人俱謝  
去只饒和靖作同參

半卸紅綃出洞房依稀侍輦幸溫湯三郎方愛霓  
裳舞珍重梅姬且素粧

春意萌於肅殺中玄冥信有幹回功東皇太一無情  
甚吹去纔消幾陣風

曲徑無塵聊席地小亭有月即憑欄此翁雖老猶高  
致不但能評黑牡丹

脂粉形容總未然高標端可配先賢不陪嚴子羊裘

後即傍王郎塵尾邊

濡墨先愁染素衣和鉛亦恐浼冰肌後村老子無聲  
畫壁倒花光與補之

早知粉黛非真色晚覺雕鐫損自然天巧千林均一  
氣人癡一葉費三年

四疊

帝恐先生歲晚貧清晨頌瑞到幽人巡簷已覺成銀  
屋糝地犹堪作王塵

海山大士素中單鸚鵡前驅不怕寒只在屋東人不  
識善財錯去礼旃檀















史半粧當日怨蕭郎

九疊

商畧紅兒何足比丁寧青女不須嗔故橫瘦影禁持  
月時送微香漏洩春

翠袖佳人寒倚竹素衣仙子畫看花材墟忽有殊尤  
觀茅屋俄成富貴家

蒼頭呵欠納詩卷赤脚鬢髻收藥鑪惟有小窗一枝  
影夜寒不睡伴先生

貴家選色斛量珠洗盡鉛華絕代無老子效顰聊復  
爾名崑崙婢作瓊奴

薄薄中單掩寒酥不知眉黛有愁無微顰莫是嘗梅  
子好事詎為齒痛圖

國色名花俱絕代玉人甘后本雙身勸君薄薄施朱  
粉莫遣名花妬玉人

名見商書又見詩晚蘭難擬况江離靈均苦要羣芳  
聚却怕騷中偶見遺

門戶重重繡幕遮十分國艷屬侯家誰知蔡琰燕山  
北愁聽胡茄對雪花

和靖終身欠孟光只留一鶴伴山房唐人未識花高  
致苦欲為渠聘海棠



新詠平生陋玉臺梨園以後更堪哀寧隨太白金鞍  
去莫放花奴羯鼓來

太白有笑坐金鞍歌落梅之句

十疊

纔得幾朝渾折徧只消一霎又吹空何曾學舞能回  
雪便不為臺與避風

尺桮擬為千世用一梅欲足百人酸苦心乍可壑鹽  
裏粉骨何須鬻荔間

花離京洛緇塵少詩到齊梁綺語多老子七言雖淡  
泊不曾一字犯陰何

有花多處便凭攔插在金瓶不必看百斛量珠真富

貴兩枝剪綵太寒酸

賦繁臺雪雲將暮歌後庭花月未殘客至苑皆瓊作

樹兵來并用玉為攔

起來無賴晚風狂便恐飄零損歲芳飛鷺不持身欲

去綠珠雖墜魄猶香

江左風流屬謝家諸郎如玉女尤佳如何雪裏同聯

句不比梅花比柳花

天子封松作某官相君復報竹平安梅花一點無沾

惹三友中間獨歲寒

霜皜千林凍欲僵經句不變只餐香何曾轉授木糧



後村先生大全集  
訣却是單傳屑玉方  
珠樹無多攀不已珊瑚有盡採無窮海神上訴天公  
怒似怕龍宮寶藏空

石塘二林寒齋子也長名同次名合各以梅  
絕句示余喜其後生有志為作百首既成有  
示余以前輩李伯玉百詠者客誦而余聽之  
如漢宮洞蕭梨園羯鼓居然協律觀余所作  
樵歌牧笛爾惜其太脂粉望簡齋便自邈然  
余奸詞巧思不及李遠甚特未知使簡齋見  
之以為何如爾若李之下字清新用事精巧

音節流麗有二宋王仲至晏叔原之風近世  
惟姜堯章似之則有不可掩者異日得暇當  
効李體別課百首李公名縝雲龕龍之子也  
自號萬如居士朱晦庵銘其墓稱其有文十  
卷梅百詠後村翁書



第35409号

平成 3.11.22

聖和学	928
園短大	コ
図書館	4

後村先生大全集卷之十七

後村先生大全集



第 300 號  
S.P.E. 版  
學 味 堂  
大 鼓 圖  
廣 善 閣



